

Et circa tria illa loca sic ordinat Pontifex, quod in locis ubi non est creatus Episcopus, vel in locis ultra duas dietas distantibus à loco ubi inueniri potest Episcopus, vel eius Officialis, præfati fratres Mendicantes omnimodam habeant auctoritatem in foro exteriori, & interiori, tantam quantam iudicauerint esse opportunam & expedientem pro conversione Indorum, & manutentione & profectu illorum, & aliorum præfatorum infide Catholica, & obedientia sanctæ Romanæ Ecclesiæ. Et hoc quidem sine assensu Episcopi, immo etiam illo contradicente. Sed in locis ubi est Episcopus residens, vel eius Officialis, & in locis adiacentibus, distantibus tamen per solas duas dietas à prædicto loco, ubi inueniri potest ipse Episcopus, vel eius Officialis, præfati fratres superiores ordinum Mendicantium hac concessione hic expressa [in textu de omnimoda potestate] non possint uti. Ratio huius limitationis fuit, ut debitus deferretur honor Episcopis circa suos subditos: atq; ita eiusmodi limitatio debet intelligi quantum ad Indos, & ceteros seculares, qui subsunt Episcopo, & non respectu fratrum, siue sui ordinis, siue alterius,